

ve communicatō, sive prædicatō, æqualiter cuncta & communicantur, & prædicantur, eoque, prout humanæ Christi Naturæ communicata dicitur Omnipotentia divina, & de ea in abstracto inque casu recto prædicatur; ita simili modō communicata eidem intelligitur Infinitas, Æternitas, ipsaq; Divinitas, in abstracto omnes de eadem, in casu recto, prædicandæ pariter æqualiterque.

ANNOTATIO II.  
De Ubiquitate Carnis Christi, ad  
p. 63. - 66.

§. I.

Controversiarum de Persona Christi Protestanticarum *Posterior*, non equidem generationis ordine, quia ex Controversia de Corporali Præsentia Christi in Cæna, proximè enata, Controversiam de Omnium Idiomatum Communicatione antevertit (ipsa Ubiquitate Corporis Christi, jam ante Protestantismum, originè suam debente vel Fabro Stapulensi, juxta B. Calixtum *Jud. Contr. Num. xxxviii.* vel Manichæis, & post hos, Euty-chianis, juxta B. Grebnitzium *Disput. de Ubiquitismo eruditissimâ, & pro Gradu Doctoris Theologi impetrando, habitâ, sect. 1. num. 13.* interim naturæ ordine, de Ubiquitate Carnis Christi, perhibetur esse.  
Cete-